



**Francisci Monacelli Eugubini J. U. D. Protonotarii
Apostolici, olim Ecclesiæ Venusinæ, ac deinde Æsinatis
Vicarii Generalis, &c. Formularium Legale Practicum Fori
Ecclesiastici**

In Quo Formulæ Expeditionum usufrequentium de his, quæ pertinent ad Officium Judicis nobile, continentur ; Opus Episcopis, Vicariis Generalibus,

Aliisque Iurisdictionem quasi Episcopalem exercentibus: necnon Confessariis, Parochis, Cancellariis, cæterisque in dicto Foro versantibus,
apprimè utile ...

In qua præter formulas Declaratoriarum Censurarum, ponuntur aliæ formulæ, tum Citationum, ac Monitionum pro validitate processuum requisitarum, tum Decretorum, aliorumve actuum ad opportunitatem, & ornatum materiæ incidentium; acceditque in calce Appendix miscellanea, plura, ad Gubernium ...

Monacellus, Franciscus

Venetiis, 1709

Decreti Interdicti Capituli contenti in Constit. Pii V. 104. Form. IX.

urn:nbn:de:hbz:466:1-62433

10 sìa , quæ sufficierent censetur denunciata , si in Canone , vel Constitutione dicatur -- singulæ Ecclesiæ talis loci ipso facto sint interdictæ , ut notant Sayr. de censur. lib. 5. c. 12. n. 23. 24. Bonacc. tom. 3. de interd. in particul. disp. 4. qu. 3. punct. 2. n. 8. Barbos. in d. c. quamquam n. 8. de cens. in 6.

*De Interdicto contento in Bulla Pii V. 104.
Bullar. tom. 2. pag. 310.*

Hæc Constitutio confirmat , ampliat , & declarat Concil. Trident. in cap. 14. sess. 24. de reform. prohibet , nè in Beneficiorum , Canoniciatum , & Præbendarum Cathedralium , & Collegiarum collatione , provisione , electione , nominatione , aut præsentatione , vel admissione in possessionem , fiant pactiones , petitio-nes , compensations , solutiones , deduc-tiones fructuum , seu distributionum , aut promissiones illicitæ , & quæ sordidæ avaritiae suspicionem habent , vel quæ in u-sum , & utilitatem conferentis , præsentantis , vel admittentis cederent , aut in-ter Capitulares , & personas Ecclesiæ di-vidi deberent ; sive ex privilegio , sive ex statuto etiam Apostolica auctoritate con-firmato (quod revocat , & annullat) sive ex consuetudine longissimo tempore ob-servata exigentur , hæcque prohibet se-quentibus formalibus verbis .

Præcipimus igitur , & interdicimus om-nibus Episcopis , Capitulis , & Collegiis , & personis , ad quos id pertinet , ne post hæc fructus , aut distributiones hujusmodi , nec pro rorsus ullam eorum partem retineant , nevè

iporum cessionem , vel renunciationem , aut dulciaria , vel alia quomodo cumque petant , vel exigant , aut quemquam , sive Ordina-ria , sive Apostolica auctoritate provisum , ad præstandum hujusmodi juramentum in-ducent , aut illi , prædicta non facienti , pos-sessionem impedian , vel remoren-ter . Quicunque contra fecerint , si Ecclesiæ Ante-clites , tamdiu à Pontificalis officii exercitio sint suspenſi , donec satisfactione prævia , illis per Sedem Apostolicam , suspensiō rela-setur . Capitula verò , & Collegia quæcum-que Ecclesiastico subjaceant interdicto , ac singulares personæ in excommunicationis sententiam incurvant , à qua nisi in mortis articulo constituti , ab alio , quām à Roman. Pontif. absolutionis beneficium nequeant ob-tinere . Decernentes hujusmodi prædicta ju-ramenta non tenere , nec quemquam illis obligari , quin immò jurantes in hujusmodi censuram incidere , necnon irritum , & in-a-ne quicquid seus , &c.

Quarè tam Ordinarii , quām Visitato-res , si inveniant hanc Constitutionem in aliqua Collegiali Ecclesia non servari , prout non observari tempore suo conque-rebatur Ricc. in prax. part. I. resol. 231. num. 2. poterunt , & debebunt , tum ex officio , tum ad partis instantiam ad de-nunciationem interdicti procedere , qua-tenuis contra venientes promptè recepta , a ut retenta non restituant , & pro absolu-tione à censuris incursis non recurrent : & si v. g. ob solutionem , aut promissionem solvendi , aut relaxandi non factam à pro-viso , possessio retardetur , modo sequen-ti providendum erit .

Decreti Interdicti .

F O R M U L A IX.

Attenta comparitione coram Nobis facta pro parte N. à Sede Apostolica pro-visi de Canonicatu in Cathedrali Ecclesia N. prout patet ex literis Aposto-licis exhibitis , reclamantis sibi possessionem retardari d. Canonicatus à Capitu-lo , & Canonicis , ex quo nolit promissionem , partem fructuum relaxandi (aut aliam solutionem) facere : visa monitione contrà Capitulum exequita , ad di-cendum causam quare , non debeat incursum declarari in censuram interdi-cti contentam in Constitut. 104. Pii V. & nihil relevans deducit , præfatum Ca-pitulum ob dictam illicitam solutionis petitionem , & possessionis Canonicatus retar-datio-

dationem, in interdictum, in citata Bulla contentum incidisse declaramus, & Ecclesiastico interdicto subjectum denunciamus, & publicè denunciari volumus, & mandamus.

N. Vic. Gen. N.

N. Actuarius.

Denunciationis.

F O R M U L A X.

Auctoritate ordinaria denunciatur subiectum, & suppositum Ecclesiastico interdicto Capitulum Cathedralis (sive Collegiatæ) N. ex eo quia contra prohibitionem Decreti Sac. Concilii Trident. cap. 14. sess. 24. & Bullæ Pii V. prætextu illicitæ præmissionis (seu solutionis) per N. provisum à Sede Apostolica non factæ, possessionem Canonicatus obtenti, tradere tenuit, & remoratur. Datum, &c.

N. Vic. Gen. N.

Loco ✠ Sigilli.

N. Actuarius.

S U M M A R I U M .

- 1 Episcopus ex officio procedit contra transgressores Bullæ Pii V. 104.
- 2 Possessio Canonicatus debet capi capitulariter.
- 3 Effectus attenditur, non modus.
- 4 Datur formula Citationis exequenda contra Capitulum, vel universitatem, & n. 5.
- 5 Citatio facienda contra populum, qui certum non habet locum, ubi congregari soleat, fit per affixionem ad valvas Ecclesiæ, in qua solet convenire.
- 7 Requisitio pro convocando Capitulo, seu Concilio Universitatis, quomodo sit facienda ostenditur.
- 8 Verba in materia pœnali, intelligenda sunt cum effectu.
- 9 Consuetudo, seu statutum, qua, seu quo cavitur, quod provis de Beneficio, vel Canonicatu, aliquid solvant proprio usu, aut Ecclesiæ fabrica, vel suppellebilibus Sacrifice te-
- net, & servanda sunt, & n. 10. 11.
- 12 Non valet Consuetudo, ut noviter recepti, solvant prandium.
- 13 Valida sunt statuta, quibus disponitur ut noviter recepti non participant, nisi per aliquod temporis spatium gratis inferviant.
- 14 Pro receptione, & admissione ad Religionem, nihil recipi debet.
- 15 Expensæ, quæ fuit tempore professoris, debent taxari ab Episcopo.
- 16 Dos pro receptione Monialium licet solvitur.
- 17 In Religione Virorum, an pro receptione, & admissione, aliquid licet recipi possit, ostenditur, & n. 18. 19. & 20. Canones, qui simoniam vetant, per non usum abrogari non possunt dictum. 20.
- 21 Capitulum non potest excommunicari, sed debet interdici. Contraveniens Bullæ Pii V. la 104. interdictum incurrit ibi.
- 22 Episcopus dict. Bullæ transgressor, & Pon-